


重訂
校正

中山世鑑

文化課
之藏書

文化課永久保存



琉球國中山世鑑序

粵

琉球國中山王

尚圓公七世嫡孫時王

尚質公聰明睿知續承

太祖君鴻基以來孳孳圖治恒

慮任君師治教之重萬機

之暇命

攝政金武王子朝貞

三法司大里良安宜灣正成

國頭重仍會博古舊僚取

其議論格言以使臣象賢

撰自古所無之世系圖矣

以世鑑名之者非無所由

殷以夏為鑑周以殷為鑑

詩曰殷鑑不遠在夏后世

後世之君臣以是爲鑑庶
幾亦有利哉伏惟我
君慮此一則先王報本追遠之
深意也一則要使後裔知
萬殊之所以一本而已可
謂忠孝之至矣然臣樗櫟
之材井蛙之見文非半豹
字類塗鴉固慚列於章縫

幸逢熙洽之時謬忝校剞
之任今編輯已成謹謄寫
進
呈此惟不過使旁觀者掩口
而竊笑而已伏願當使腹
笥五經心貫萬古者損益
之故今臣不顧才之拙與
語之俚稽顙頓首撰之以

達

聖覽

日本慶安庚寅太呂吉旦

中山王

尚圓公嫡孫浦添王子若王月

浦六世後胤大嶺臣象賢撰

琉球國中山王舜天以來世續圖

舜天

英慈

尚思紹

舜馬順熙

玉城

尚巴志

義本

西威

尚忠

英祖

察度

尚思達

大成

武寧

尚金福

中山世鑑

續圖

尚泰久

尚元

尚德

尚永

尚圓

尚寧

尚宣威

尚豐

尚真

尚賢

尚清

尚質

先國王尚圓以來世系圖

始祖 尚圓 先國王金丸 字思德金

月浦 浦添王子 字思德金 廿スカサ王子

海公 浦添王子 字思松金

花薰 字真鍋樽 大里王子 字真牛金

梅南 キコエヲホキ三 字真加戸樽

朝榮 今歸仁王子 字真仁克樽

秋嶺王 與那城王子 字思樽金

宗仁 先國王天繼 字真仁克樽

尚寧 先國王テカカ五 字思德金

尚清 越來王子 字真三良金

雲休 金武王子 字真三良金

尚宏 具志上王子 字思二良金

亨仁 豐見城王子 字思武大金

月清 キコエヲホキ三 字ヲトシモカ子

源道 字思武大金

中山世鑑

系圖

二

尚禎 中城王子

悦岩 勝連王子 字真牛金

先國王テカカ五

一舜 久米具志川王子

德林 廿スカサ王子 字真鍋樽

金溪 勝連王子

本覺 ヲレカケ王子 字思武大金

鑑心 大伊江王子

雪江 字真仁世樽王子

德大 アヲリヤイ王子

尚永 先國王エソヤス五

尚豐 先國王テカカ五 字思五良

春楊 北溪王子

一蕙 具志川王子 字思塩樽金

泰甫 東風平王子

昨夢 伊江王子

山英 讀谷山王子

德崇 豐見城王子

槿月 首里大君王子

梅仙 羽地王子

一枝 首里大君王子

尚久王 大金武王子
字真三良金

尚盛

尚漚

尚亨

有信

尚恭王 浦添王子
字真三良金

尚英 中城王子
字真牛金

尚賢 先國王
字思松金

尚質

中山世鑑

系圖

四

琉球國中山王世繼總論

蓋我朝開闢

天神阿摩美久築之然後植山

石草木次生人是稱

天孫氏矣次藝五穀始有君臣

父子夫婦昆弟朋友之五

倫也頗似三皇五帝之治

矣當初未琉球之名數萬

歲之後隋煬帝令羽騎尉

朱寬訪求異俗始至此國

地界萬濤間遠而望之蟠

旋蜿延若虬浮水中故因

以名

流虬也語言不通掠一人以

返後遣武賁郎將陳稜率

兵又至國人不服虜男女

數百人還爾來至唐宋嘗
朝貢矣數百年後
大日本入王五十六代
清和天皇之孫
六孫王八世孫
為朝公為鎮西
將軍之日掛千鈞強弩於
扶桑而其威武偃塞垣草木

後逢保元之亂而客於豆
州有年當斯時舟隨潮流
始至此因以更流虬曰
流求也國人從之如草加風
於茲
為朝公通一朝女生一男子名
尊敦
尊敦戴一角於右鬢上故為掩

角居髻於右髻上其為人
也才德豪傑超出衆人是
以國人尊之爲
浦添按司也此時
天孫氏世衰政廢爲逆臣所弑
矣
尊敦起義兵討逆臣代之爲
中山王故國人效之結片髮

自此始是爲

崇元廟主舜天王
舜天王在位五十一年薨
世子舜馬順熙立矣
舜馬順熙在位十一年薨
世子義本王矣
義本王在位十一年而禪位於
英祖王

英祖王續承大統紹述鴻勳使夫已斷不續之墜緒復屬而復聯已晦不明之蓋微復彰而復著其成功盛德雖堯舜無以加事業文章與二儀而同其大嗚呼盛矣偉矣是為

崇元廟主英祖王

英祖王在位四十年薨

世子大成王立矣

大成王在位九年薨第二王子

英慈王立矣

英慈王在位五年薨第四王子

玉城王立矣當時世衰政廢為

戰國數十年先王遺風變

易盡國分為三曰中山王

山南王山北王也
玉城王在位二十三年薨
世子西威王立不明也諸侯叛
者多矣
西威王在位十四年薨世子將
立諸侯廢之尊
浦添按司為中山王是為
崇元廟主察度王

大明洪武初
太祖皇帝遣使諭諸邦于時
中山王察度
山南王承察度
山北王帕尼芝皆遣使奉表箋
貢馬及方物
大明太祖皇帝嘉其款誠洪武
十六年更流求曰

琉球錫以金符印寵以章服
洪武二十五年
中山王察度始遣子侄學于國
子監又洪永間
大明皇帝賜閩人三十六姓為
琉球用
紀綱之後
大明之禮樂是始矣是以

太祖皇帝稱琉球於守禮之邦
矣其三十六姓凋謝今所
存者僅蔡鄭林梁金五家
而已

察度王在位四十六年薨
世子武寧王立不明也天運循
環無往不復時則
尚巴志為山南王其政法於先

王之舊章故二山亦半歸
之終發兵一統都中山故
獨稱
中山矣詩云自西自東自南
自北無思不服其此之謂
也官吏慶於廷民抃於野
行者讓路耕者讓畔矣於
茲

尚巴志遣使請冊封於

大明

宣宗皇帝悅其至誠宣德三年

遣內監柴山副使阮封為

琉球國中山王

尚巴志及父

尚思紹係追封且賜之以冠服

綵幣等物

琉球國王尚姓此始

中山王每乞封

大明皇帝遣正副使行祭禮封

禮亦是始矣

尚巴志在位十八年薨第二王

子

尚忠立矣

尚忠在位五年薨

中山世鑑

總論

八

世子尚思達立矣

尚思達在位五年薨無子弟國

人乃立

尚巴志第六王子

尚金福

尚金福在位四年薨

世子尚泰久立矣

尚泰久在位七年薨第三王子

尚德立虐政甚於桀紂故異民
之時日害喪也宜也
尚德在位九年薨世子將立國
人廢之尊
內間里主御鎖側為中山王是
為

圓覺廟主尚圓龍室慶雲矣
尚圓公北夷伊平也鳴伊是那

人也當時雖為百姓生有
聖德志有乘長風凌萬里
故不獲交於陋習污染之
人駕一葉輕舟至此地然
後歷階級為
內間守一年而民德歸厚矣
朞月而已可其斯之謂乎
又為

御物城御鎖側那霸四邑之
四民以其職無不懷此懿
德者時王

尚德暴虐甚矣故國人歸

尚圓公者半矣雖然

尚圓公君事於德尚數十年且
曳裾幾度乎噫如周文三分
於天下有其二以服事

殷然德之惡日長月盛於
茲

尚圓公不得已而有萑蘆之志
也卒稱病而竄於領地內
間矣君子諫不聽則去之
其斯之謂乎後

尚德薨世子將立群臣殺之立
尚圓公

尚圓公不得固辭行年五十餘
而登寶位其孫子嫡嫡相繼為
球主于今九世也及庶子亦
流傳為國器者充滿於
球國矣蓋
尚圓公所自出雖未可知疑先
王後胤而有故至彼地矣

不然則何遽然有此大福
哉

尚圓公治國七年薨矣故不及
制為禮樂政刑也此時
世子尚真公為幼稚故群臣立
尚圓公令弟
尚宣威
天神地祇不享

尚宣威在位六箇月而避位立
世子尚真公
尚真公天縱之聖善繼父志善
述父事治已至而猶以爲
未至功已成而猶以爲未
成體道謙冲遊心高遠咸
趨聖域之歸頓回太古之
淳風猗歟盛哉竊嘗觀之

尚真公所以卓冠百王超越千
古者也

尚真公在位五十年薨矣先是
世子月浦罹異母之讒而避
難於郊外矣故第三王子

尚清公立矣
尚清公在位二十九年薨第二
王子

尚元公立矣
尚元公在位十七年薨
世子尚永公立矣在位十六年
薨無世子故國人立
尚圓孫月浦曾孫
尚寧矣先是
大日本永享年中
琉球國始為

薩州太守嶋津氏附庸之國朝
貢於
日本百有餘年也

尚寧慎終悖始恐懼之心日弛
邪僻之情轉恣用聚歛臣
一邪名而失事大之誠也
故慶長己酉


薩州太守家久公遣樺山權左

衛門尉平田太郎左衛門
尉率兵征伐
琉球而擒國王返明年又遣
本田伊賀守蒲地久右衛
門尉使都鄙有章上下有
服又使阿多氏相郎氏野
村氏市來氏高崎氏別符
氏栢原氏毛利氏瀧聞氏

伊地知氏鹿嶋氏上井氏
等正經界均井地矣始有
伍我田疇褚我衣冠之謗
終有我教子弟我植田疇
之頌矣其明年
家久公垂仁厚禮解吳囚爾來
球國入貢於
薩州每年也

尚寧在位三十二年薨無子弟
是以國人立
尚元公第三王子
尚久公賢子
尚豐公矣
尚豐公學知之資希世之賢君
也見有功者賞見有罪者
泣古禮古樂復興在位二

十年薨第三王子
尚賢公嗣立矣在位七年薨無
世子國人立令弟
尚質公萬萬歲



あとがき

本書は、沖縄県指定文化財『重新校正中山世鑑』序の影印本である。同本は序から巻五までの六冊より成る。各巻の構成はつきのとおりである。

序 琉球国中山王舜天以来世鑑図 総論

巻一 琉球開闢之事 天孫紀 舜天紀

巻二 英祖紀

巻三 尚巴志紀

巻四 尚円紀 尚円／尚貞

巻五 同右 尚清

『中山世鑑』は、のちに尚質王の摂政となった羽地朝秀（唐名向象賢 一六一七—一六七五）が一六五〇年に編述したもので、沖縄最初の正史とされている。史料の価値については評価のわかれるところだが、薩摩の琉球侵入から四十年を経過した時点における政治指導者の思想や、教養の一端を知ることができ、貴重な資料であることにちがいはないだろう。

原本は戦前尚家に保管されていたが、今大戦中に米国に持ち去られ、昭和二十八年に返還された。現在沖縄県立博物館に保管されている。指定は昭和三十一年十二月十四日である。

本影印本はほぼ原寸大に作製してあるが、文字は撮影から印刷に至る工程上の問題から、原本より若干太くなっている。

今年度は都合により「序」と「巻一」のみ刊行することになる。「巻三」以降は昭和五十八年度以降の刊行となる。本影印本は、文化財の紹介を目的として公刊するものである。多くの方々に活用されることを願ってやまない。

昭和五十七年十月

法 量 縦三〇・六cm 横二一・二cm
所有者 沖縄県（沖縄県立博物館保管）

沖縄県教育委員会

重新校正 中山世鑑 序

編集 沖縄県教育庁文化課

発行 昭和五十七年十月十五日

沖縄県教育委員会


那覇市旭町一番地（沖配ビル内）

電話〇九八八（六六）二七三二

印刷（株）南西印刷

那覇市首里石嶺町一の二二七

電話〇九八八（八四）四三二一



文化課
之藏書

文化課永久保存